

UDALEKO EUSKERA- TEKNIKARIAK ETA MENDEBALDEKO EUSKEREAA

(2000ko maiatzean)

Mendebalde onetako udalerrri askotan imini dira abian euskerearen normal-kuntza planak. Egitasmo orreek aurrera eroateko euskera teknikariaren irudia sortu bear izan dabe. Teknikariaren betebearrik nagusia euskerearen aldeko aaleginak ganoraz, arduraz, zentzuz eta eragingarritasunez bideratutea da.

Zer esanik ez da bear, udalerrriak daukan garrantziaz konturatuteko, erritarra-kandik urren dagoan eremua da-eta. Udalerrri euskaldunetan euskerea bizitzea-ren arlo guztietara zabaltzea da normalkuntza planaren elburu nagusia. Udalerrriak euskaldun izaten jarraitu daian laguntzea, atan be. Eta normalkuntza plan orren erdi-erdian euskera teknikaria dago, beraren motore.

Teknikariaren bear arlorik nagusienak urrengo oneetan laburtu leitekez:

- Udal administrazioa euskaldundutea.
- Erriko zerbitzu publikoak euskaldundutea.
- Izkuntza transmisinoari eusten lagundutea.
- Kalean euskerea erabiltera bultzatutea.
- Oiko erabilera eremuei eutsi eta eurok sendotutea.
- Erriko alkarteetan euskerea erabiltera bultzatutea.
- Erriko eskoletan euskerea erabiltera bultzatutea.
- Erriko merkataritza arloan euskerea erabiltera bultzatutea.
- Familia barruan euskerea erabiltera bultzatutea.
- Astaldi eta kirola arloetan euskerea erabiltera bultzatutea.
- Erriko toponimia birreskuratutea.
- Udaleko Euskera Zerbitzua zuzendutea.
- Euskerearen irakaskuntzea errian bultzatutea.

Ez da, ez, makala aren bearra! Betebearrok eurok dira, atan be, gure lurral-dean mendebaldeko euskereak udalerrri mailan bete bearko leukezan esparruak. Sarri askotan, agozko erabilereak beteten dauzan esparruak dira izan.

Mendebalde onetako errietan ainbat euskera teknikari edo zerbitzu dabil bea-rran. Geienek, ezjakintasunez, bildurrez edo, mendebaldeko, bertoko euskerea baztertuta darabile euren bearretan. Eta orreri ez deritxot artez.

Aor dago, bada, Mendebalde Alkartearentzako postura andia. Euskerearen aldeko errietako normalkuntza plangintzetan mendebaldeko euskerea, goian aitatutako arloetan, bultzatutea. Au da, euskera teknikari orreei mendebaldeko euskerea normalkuntza plangintzetan garatuteko prestakuntza, laguntza eta aol-kularitza teknikoak eskaini eta emotea.

Oarra: Badira, ostera, udalerriren batzuk bide orretan ibiltzen asiak diranak, aurki. Begitu, osterantzean, ona: Abadiño, Amoroto, Arantzazu, Bakio, Bermeo, Igorre, Laudio, Meñaka, Orozko, Ubidea, Zamudio, Zeanuri eta Zeberio.

Iniaki Martiartu